

ասածն՝ ի գերեզմանն Արիոսի եւ նեստորի մտանիցեմ¹⁾։ եւ այլ բազում երգմունս, զոր ոչ է արժանեթէ ի միտս և ի բերանս ուղղափառաց անկանիցի։ Ուխտ և դաշինս առնեմք, զի և եղբայրութիւնս մեր անջրելի պահեմք ընդ Աստուածատուր վարդապետն, մինչեւ հաւատարմացուցանել սոցա. վասն որոյ և ասեն վարդապետքն. Եթէ այդ այդպէս է՝ բարի է։ Այլ և բազում բան ասեն, հաշտին ընդ միմեանս և խաղաղանան։

Դչի (22 Սէպտեմբր.) մեր վարդապետն ի Սուրբ Լուսաւորիչ գնաց։ Եւ օրս ի գերեզմաներն գնացաք վասն թուրվանդին մեռանելոյ, եւ անտի գնացի ի Սուրբ Գէորքն հանդիպիլ Առաջնորդին՝ ողջունելով գնա։ Եւ ի պահու լուսանալ առաւօտուս երոցք եղեւ ի Դուռն Երկաթի, ոչ ընդ նա՝ այլ մօտ ի սահմանս նմին։

Կիրակի Իջ-ին՝ երեկոյիս ի հարսանիք գնացի Սէֆէր պալէ դստերն։ Եւ օրս բօթ մի լու եղեւ մեզ. ի քաղաքն Պուղտան, որք կան սակաւաւորս ի Հայոց ազգաց մերոց, զեկեղեցիսն նոցին փակեալ են, վասն զի դաւանութեամբ Յունաց էին Պուղտանիքն, զայն պատճառելով Հայոց թէ Ազգ ձեր մեր ազգին ոչ տայ հանգիստ ի յերուսաղէմ. բայց եւ ոչ զիտեն զի աստուածամարտք ազգ իւրեանց են։

Բչի օրս (27 Սէպտեմբր.) վարանեալ Եղիազար վարդապետին գրանս զայս, ել գնաց զկնի պատրիկին զի ասացէ բան ինչ նմա վասն իրացս, և պատրիկն ելեալ էր մի ժամաւ յառաջ, հանդերձ [ուխ]տաւորօքն Հայոց, քան զգնալ վարդապետին առ նա։ Եւ իբրեւ ոչ եհաս նմա՝ եկն յեկեղեցի Սուրբ Լուսաւորչին և յղեաց փութանակի արս ոմանս ի մեծամեծացն մեր առ Հասան աղան, որ էր մաքսապետ տէր ամենայն ծովե-

1) մտանիցէ.